

INUIT ATAQATIGIIT INATSIARTUNI



UPA2024/98
April 30 2024
Mikivuk Thomassen.

Inatsisartut isummerfigisassaattut siunnersuut, Naalakkersuisut peqquneqassasut naartunermi, erninermi meeravissiarternermilu sulingiffeqartarneq pillugu Inatsisartut inatsisaata nr. 5 19. november 2020-imeersut allannngortinneqarnissaanik imaasillugu, angajoqqaat sulingiffeqarneq sapaatit akunnerinit 21-nit sapaatit akunnerinit 37-inut sivitsorneqassasoq aammalu angajoqqaat kiffaangissuseqarlutik namminneq sulingiffeqarnermik aaliangiisnaassasut.

(Inatsisartunut ilaasortaq Anna Wangenheim, Demokraatit)

Ilaqtariit nikuttuut Inuit Ataqatigiit naleqartitaasa ilagilluinnarpaat. Ilaqtariit nukittuut tassaapput inuunermik pitsaasumik inuuneqarnissamut tunngavissinnaasut. Ilaqtariit nukittuut tassaapputtaaq inuiaqatigiinni nammaqataasut.

Taamaamat Inuit Ataqatigiit Inatsisartuni siunnersuuteqartarnitsigut ilaatigut makku angunikuuagut:

- Meerartaarnermut atatillugu aningaasaateqarfik ukiuni arlalinnit Inuit Ataqatigiinniit sulissutigereerlugu piviusunnngornikuuvoq.
- Ilinniartut ilinniarnernup nalaani ernisimatillugit kollegiamiinnarsinnaasarnissaat piumasaqaatiginikuuarput.

Erninermi sulingiffeqartarneq angajoqqaanngortunut nalitoorujussuuvoq. Tassami piffissaq taanna pilluarfiuvoq minnerunngitsumillu ilinniarniulluni. Sapaatillu akunneri 21-t sivikitsuaqqatut misinnarsinnaasarpud; tassami piffissaq taanna nalliukkaangat naalungiarsuit meraaqqerivinnut isertilersarpud angajoqqaanngorlaallu suliffimminnut uteriartulersarlutik.

Inuit Ataqatigiinniit isumaqarpugut ernereernerme sapaatip akunnerini 21-ni sulingiffeqarneq sivikippallaalersimasoq, sivitsorneqarneralu meeqqanut, angajoqqanut aammali inuiaqatigiinnut iluaqutaasinnaasoq isumaqarpugut.

Sulingiffeqarnerup sivitsorneratigut meeqqap angajoqqaaminit timikkut tarnikkullu perorsarneqarnera tamakkiinerulissaaq; taamatuttaarlu meeqqanut angajoqqaanullumi aamma toqqissisimanarnerussalluni – taamaasilluni meeqqat pitsaasumik ineriartornissaa tunngavissaginnerussalluni.

INUIT ATAQATIGIIT INATSIARTUNI



Ilaqutariit nukittuut nunap ingerlalluarneranut tunngaviulluinnartuupput. Taamaammatt ilaqutariit nukittunerusut pilersinnerisigut nunamut tunniussisinnaasut nukittuut pilersissavagut.

Meerartaarnermi sulinngiffeqartarnerup sivitsornissaa anguniarlugu suleriaqqinnermi ataataaqataasut, anaanaaqataasut, ataataasullu inatsisiliornermi aamma eqqumaffigineqarnissaat kissaatigissavarput. Minnerunngitsumillu namminersortut; assersuutigalugit nujalerisut, isiginiarneqarnissaat Inuit Ataqatigiinniit kissaatigaarput. Tassami inatsit ullumikkutut itsillugu nujalerisut ernereernermi sulinngiffeqarnermi aningaasaateqarfimmit aningaasarsiaqartinneqassagunik taava suliffeqarfiutitik matoqqaartariaqartarpaat. Taamanna pissusissamisuumngilaq. Namminersortut ernereernermi sulinngiffeqarsinnaanissaat aqutissiuuttariaqarpoq.

Taamatut oqaaseqarluta aalajangiiffigisassatut siunnersuut akuerineqarnissaa inassutigaarput.